



ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE

Zyra e Rregullatorit për Energji

**Rregulla për vendosjen e çmimeve të operatorit të sistemit të transmisionit dhe
të tregut
(Rregulla për Çmimet e OST/OT-së)**

2011



PËRMBAJTJA

KREU I	Kushtet e përgjithshme	4
Neni 1	Qëllimi dhe fushëveprimi	4
Neni 2	Përkufizimet dhe interpretimet	4
KREU II	Rregullimi i të hyrave të OST/OT	9
Neni 3	Parimet e përgjithshme	9
Neni 4	Shqyrtimet periodike dhe periudhat rregullative	9
Neni 5	Përshtatjet e rregullta	10
Neni 6	Shqyrtimet e jashtëzakonshme	10
KREU III	Të hyrat e lejuara maksimale	12
Neni 7	Parimet themelore	12
Neni 8	Kostot e lejuara operative dhe të mirëmbajtjes	13
Neni 9	Zhvlerësimi i lejuar	13
Neni 10	Kthimi i lejuar në kapital	13
Neni 11	Kostot e lejuara për shërbime ndihmëse	14
Neni 12	Kostot e lejuara të humbjeve	14
Neni 13	Kostot e bartura të taksës së licencës	15
Neni 14	Kostot e përjashtuara	15
Neni 15	Alokimi i të hyrave të lejuara maksimale në ngarkesa	16
Neni 16	Zbutja e të hyrave të lejuara	16
KREU IV	Ngarkesat TNUOS	17
Neni 17	Parimet e përgjithshme	17
Neni 18	Procedura për aprovimin e ngarkesave TNUOS	17
KREU V	Ngarkesat për operator të sistemit	18
Neni 19	Parimet e përgjithshme	18
Neni 20	Procedura për aprovimin e ngarkesave për operatorin e sistemit	18
KREU VI	Ngarkesat për operator të tregut	19
Neni 21	Parimet e përgjithshme	19
Neni 22	Procedura për aprovimin e ngarkesave për operatorin e tregut	19
KREU VII	Taksat për kyçje	20
Neni 23	Parimet e përgjithshme	20
Neni 24	Procedura për aprovimin e taksave për kyçje	20
KREU VIII	Mbitaksat për skemën mbështetëse për energjinë e ripërtëritshme	22
Neni 25	Parimet e përgjithshme	22
KREU IX	Dispozitat kalimtare dhe përfundimtare	23
Neni 26	Gjuha zyrtare	23
Neni 27	Ndryshimi	23
Neni 28	Interpretimi	23



Neni 29	Shfuqizimi	23
Neni 30	Hyrja në fuqi	23
Shtojca 1	Llogaritja e të hyrave të lejuara maksimale	26
Shtojca 2	Baza e asetëve të rregulluara	29
Shtojca 3	Mesatarja e ponderuar e kostos së kapitalit	32
Shtojca 4	Shërbimet e përjashtuara	34
Shtojca 5	Procesi i shqyrtimit periodik	36
Shtojca 6	Procesi i përshtatjeve të rregullta	39
Shtojca 7	Procesi i shqyrtimit të jashtëzakonshëm	40
Shtojca 8	Ngjarjet e jashtëzakonshme	42
Shtojca 9	Ngjarjet e forcës madhore	43
Shtojca 10	Dispozitat kalimtare	44



Bordi i Zyrës së Rregullatorit për Energji, sipas autoritetit të dhënë me Nenin 8, paragrafi 1, nënparagrafi 1.6, Nenin 14, paragrafi 2, nënparagrafi 2.16, Nenin 25 dhe Nenin 42 paragrafi 1, të Ligjit për Rregullatorin e Energjisë Nr. 03/L-185, në seancën e mbajtur me 30.09. 2011, miratoi:

**Rregullën për vendosjen e çmimeve të operatorit të sistemit të transmisionit dhe të tregut
(Rregulla për Çmimet e OST/OT-së)**

KREU I KUSHTET E PËRGJITHSHME

Neni 1

Qëllimi dhe fushëveprimi

- 1 Kjo rregull përcakton:
 - 1.1 Bazën për vlerësimin e të hyrave të lejuara maksimale që operatori i sistemit të transmisionit (OST) mund të përfitojë në një vit relevant, në mënyrë që OST të mbulojë kostot e arsyeshme të zhvillimit, operimit dhe mirëmbajtjes së sistemit të transmisionit në mënyrë që ai të vihet në dispozicion të përdoruesve të sistemit në pajtim me Ligjin për Rregullatorin e Energjisë;
 - 1.2 Bazën sipas së cilës vendoset për të hyrat maksimale të lejuara që mund të fitohen nga operatori i tregut (“OT”) brenda çdo viti relevant në mënyrë që OT të mbulojë kostot e arsyeshme të operimit dhe të mirëmbajtjes së tregut të energjisë elektrike, në pajtim me Ligjin për Rregullatorin e Energjisë;
 - 1.3 Procesin sipas të cilit të hyrat e lejuara maksimale do të shqyrtohen dhe do të ripërcaktohen periodikisht; dhe
 - 1.4 Procesin sipas të cilit përcaktohen taksat për kyçje dhe ngarkesat për shfrytëzimin e rrjetit të transmisionit (TNUOS), ngarkesat e operatorit të sistemit dhe ngarkesat e operatorit të tregut, prej të cilave do të mblidhen të hyrat maksimale të lejuara.

Neni 2

Përkufizimet dhe interpretimet

- 1 Shprehjet në vijim përdoren në këtë rregull dhe kanë këtë kuptim:
 - 1.1 “Të hyra të rregulluara aktuale” nënkupton të hyrat e mbuluara nga OST përmes ngarkesave për kryerjen e shërbimeve të sistemit të transmisionit dhe operatorit të



tregut, si dhe të gjitha të hyrat e tjera të përcaktuara nga rregullatori e të matura në baza të rrjedhës akruale;

- 1.2 “Shërbimet ndihmëse” nënkupton shërbimet të nevojshme për mbështetjen e shërbimeve të sistemit të transmisionit, në mënyrë që sistemi i transmisionit të mbahet në funksionim të qëndrueshëm;
- 1.3 “Plan i aprovuar i investimit” nënkupton programin e projekteve kapitale për periudhën rregullative që aprovet nga ZRRE në kuadër të shqyrtimit periodik;
- 1.4 “Ditë pune” quhen të gjitha ditët e punës brenda një jave, sic përkufizohen me ligjet në Kosovë;
- 1.5 “Taksë për kyçje” nënkupton taksën që aplikohet nga OST për kyçjen e konsumatorëve në sistemin e transmisionit;
- 1.6 “Jetëgjatësia ekonomike” nënkupton jetëgjatësinë e asetit që përdoret për llogaritjen e zhvlerësimit të lejuar nga baza e aseteve të rregulluara;
- 1.7 “Faktori i efikasitetit” nënkupton faktorin e efikasitetit që përkufizohet në shqyrtimet periodike dhe që aplikohet gjatë përshtatjeve të rregullta për të përcaktuar kostot e lejuara të operimit dhe të mirëmbajtjes për OST/OT;
- 1.8 “EURIBOR” nënkupton normën e ofrimit për depozita të euros nga Federata bankare evropiane për periudhë 3 mujore, që paraqitet në faqen e caktuar të shërbimit të “Reuters” në ora 11:00 (kohë e matur sipas kohës qendrore evropiane) ose, në rast se “Reuters” nuk vazhdon ta ofrojë këtë shërbim, cilido shërbim tjetër për të cilin pajtohen OST/OT dhe Rregullatori. Kjo do të jetë normë vjetore;
- 1.9 “Shërbimet e përjashtuara” nënkuptojnë shërbimet e ofruara nga OST/OT në kuadër të aktiviteteve të tij të licencuara, kostot e të cilave mbuloohen jashtë të hyrave maksimale të lejuara dhe të cilat përfshijnë, por nuk kufizohen me, kryerjen e kyçjeve në sistemin e shpërndarjes, transitin apo ofrimin e shërbimeve sipas kërkesës së palëve të treta specifike;
- 1.10 “Përshtatje e jashtëzakonshme” ka kuptimin që i është dhënë në Shtojcën 7;
- 1.11 “Ngjarje e jashtëzakonshme” ka kuptimin që i është dhënë në Shtojcën 8;
- 1.12 “Shqyrtim i jashtëzakonshëm” ka kuptimin që i është dhënë në Nenin 6;
- 1.13 “Forcë madhore” ka kuptimin që i është dhënë në Shtojcën 9;
- 1.14 “Taksa për licencë” nënkupton shumën për pagesë sipas Nenit 7 të pasqyrës së taksave, që lëshohet nga rregullatori dhe mund të amendamentohet kohë pas kohe;
- 1.15 “Humbjet e lejuara” ka kuptimin që i është dhënë në Nenin 12, paragrafi 3;



- 1.16 “Faktori i ndarjes së humbjeve” ka kuptimin që i është dhënë në Nenin 12, paragrafi 4;
- 1.17 “Operatori i tregut” apo “OT” nënkupton bartësin e licencës për operator të tregut;
- 1.18 “Shërbimet e operimit të tregut” nënkupton shërbimet të cilat i licencuari për OST është i autorizuar t’i ofrojë sipas kushteve të licencës për operim të tregut të dhënë nga rregullatori.
- 1.19 “Ngarkesat për operatorin e tregut” apo “Ngarkesat OT” nënkupton ngarkesat e aplikuara nga OT për kryerjen e shërbimeve të operatorit të tregut;
- 1.20 “Pragu i materialitetit” ka kuptimin që i është dhënë në Shtojcën 7;
- 1.21 “Të hyrat e lejuara maksimale ” ose “MAR” nënkuptojnë të hyrat maksimale që mund të mbulohen brenda një viti relevant nga OST/OT përmes ngarkesave TNUOS, ngarkesave për operim të sistemit dhe ngarkesave për operim të tregut, të cilat caktohen sipas formulave të Shtojcës 1 të kësaj rregulle;
- 1.22 “Kërkesa maksimale e sistemit të transmisionit” nënkupton kërkesën maksimale të energjisë elektrike brenda një viti (në MW) të matur në pikat hyrëse të sistemit të transmisionit së OST-së;
- 1.23 “E matur” nënkupton çdo sasi të matur të energjisë elektrike, duke përfshirë këtu matjet për energjinë aktive, energjinë reaktive dhe fuqinë, në pajtim me matësin e instaluar sipas kodit të matjes;
- 1.24 “Vlera neto e tanishme” nënkupton metodën e zhvlerësimit të rrjedhave të ardhshme të parasë;
- 1.25 “Shfrytëzimi i sistemit të rrjetit” nënkupton përdorimin e sistemit të transmisionit të OST-së për transmetimin e energjisë elektrike nga pika hyrëse në sistem deri te pikat e furnizimit me shumicë për shërbim të konsumatorëve kosovar;
- 1.26 “Faktori profilizues” nënkupton faktorin e definuar ngjatë shqyrtimeve periodike dhe të aplikuuar në përshtatjet e rregullta për kostot e lejuara të operimit dhe mirëmbajtjes, zhvlerësimit dhe kthimit në kapital dhe përcaktohet siç përshkruhet në Nenin 16.
- 1.27 “Propozim” ka kuptimin që i është dhënë në Shtojcën 5, paragrafi 4;
- 1.28 “Vlerësim i përkohshëm” ka kuptimin që i është dhënë në Shtojcën 5, paragrafi 8;
- 1.29 “Furnizuesi publik i energjisë elektrike” ose “FPPE” nënkupton bartësin e licencës për furnizim publik;
- 1.30 “Shqyrtimi periodik” nënkupton shqyrtimin nga Rregullatori të të hyrave të lejuara maksimale të OST/OT-së për periudhën rregullative pasuese;



- 1.31 “Përshtatje e rregullt” nënkupton përshtatjen mekanike të të hyrave të lejuara maksimale që bëhet rreth fundit të çdo viti relevant;
- 1.32 “Njësitë e rregulluara të faturuara” nënkuptojnë shumën e energjisë elektrike që u faturohet konsumatorëve kosovarë në raport me njësitë që u furnizohen atyre nga sistemi i transmisionit;
- 1.33 “Njësitë e rregulluara të transmetuara” nënkuptojnë shumën e energjisë elektrike të transmetuar përmes sistemit të transmisionit për konsumatorët kosovarë brenda një viti relevant, të matur në pikat dalëse të sistemit të transmisionit (ose, në rastet kur nuk ka matës, siç llogariten në pajtim me praktikën e njohura inxhinierike);
- 1.34 “Rregullatori” nënkupton Zyrën e Rregullatorit për Energji;
- 1.35 “Baza e aseteve të rregulluara” ka kuptimin që i është dhënë në Shtojcën 2;
- 1.36 “Periudhë rregullative” ka kuptimin që i është dhënë në Nenin 4, paragrafi 3;
- 1.37 “Vit relevant” nënkupton periudhën prej 12 muajsh të njëpasojëshëm në mes të përshtatjeve të rregullta;
- 1.38 “Fondi për energjinë e ripërtërishme” nënkupton një fond të krijuar dhe të drejtuar nga operatori i tregut në përputhje me rregullën për mbështetjen e energjisë elektrike për të cilën është lëshuar certifikata e origjinës siç publikohet nga rregullatori, në emër të së cilës është krijuar një konto e ndarë bankare.
- 1.39 “Mbitaksa e Skemës mbështetëse për energjinë e ripërtërishme” nënkupton një mbitaksë që përcaktohet nga rregullatori në përputhje me rregullën e publikuar për mbështetjen e energjisë elektrike për të cilën është lëshuar certifikata e origjinës, e që azhurnohet kohë pas kohe.
- 1.40 “Parimet e ngarkesave të transmisionit” nënkupton raportin e lëshuar nga rregullatori me të cilën duhet të jenë në pajtueshmëri metodologjitë e OST-së për përcaktimin e ngarkesave TNUOS dhe taksave për kyçje;
- 1.41 “Raport mbi ndikimin financiar” ka kuptimin që i është dhënë në Shtojcën 7;
- 1.42 “Ngarkesat e operatorit të sistemit” apo “Ngarkesat e OS” nënkuptojnë ngarkesat që aplikohen nga OST për ofrimin e shërbimeve të operatorit të sistemit;
- 1.43 “Shërbimet e operimit të sistemit” nënkupton shërbimet të cilat i licencuari për OST është i autorizuar t’i ofrojë sipas kushteve të licencës për operim të sistemit të dhënë nga rregullatori.
- 1.44 “Ngarkesat TNUOS” nënkuptojnë ngarkesat që aplikohen nga OST për ofrimin e shërbimeve për shfrytëzimin e rrjetit të sistemit;



- 1.45 “Humbjet në transmision” nënkuptojnë totalin e energjisë së humbur në sistemin e transmisionit që operohet nga OST dhe përbëhen nga (1) humbjet teknike siç përcaktohen nga vlerësimet inxhinierike dhe (2) humbjet komerciale që përkufizohen si energjia që hyn në sistemin e transmisionit minus humbjet teknike minus energjia që u faturohet konsumatorëve.
 - 1.46 “Operatori i sistemit të transmisionit” ose “OST” nënkupton bartësin e licencës për operatorin e sistemit të transmisionit;
 - 1.47 “Shërbimet e sistemit të transmisionit” nënkupton shërbimet të cilat i licencuari për OST është i autorizuar t’i ofrojë sipas kushteve të licencës për operim të sistemit të dhënë nga rregullatori, duke përfshirë shërbimet e operatorit të sistemit dhe shërbimet e shfrytëzimit e të sistemit.
 - 1.48 “OST/OT” nënkupton OST-në dhe OT-në që konsiderohen si njësi e vetme;
 - 1.49 “Njësi e energjisë së transmetuar” nënkupton një MWh;
 - 1.50 “Mesatare e ponderuar e kostos së kapitalit” ka kuptimin që i është dhënë në Shtojcën 3;
- 2 Termat e tjera të kësaj rregulle do ta kenë kuptimin që u është dhënë në Ligjin për Rregullatorin e Energjisë, Ligjin për Energjinë Elektrike apo në Ligjin për Energjinë.



KREU II

RREGULLIMI I TË HYRAVE TË OST/OT

Neni 3

Parimet e përgjithshme

1. OST/OT do të caktojë ngarkesat e TNUOS (Kreu IV), ngarkesat e operatorit të sistemit (Kreu V) dhe ngarkesat e operatorit të tregut (Kreu VI), ashtu që brenda çdo viti relevant, të hyrat që priten të mbledhë nga këto ngarkesa do të jenë të barabarta me të hyrat e lejuara maksimale (Kreu III) të aprovuara nga rregullatori.
2. Të hyrat e lejuara maksimale do të përcaktohen si vijon:
 - 2.1 Të hyrat e lejuara maksimale do të caktohen në shqyrtimet periodike (Neni 4);
 - 2.2 Para përfundimit të çdo viti relevant do të aplikohet një përshtatje e rregullt (Neni 5) që përfshin përshtatjet mekanike në të hyrat maksimale të lejuara për të reflektuar ndryshimin në kostot që konsiderohen se janë jashtë kontrollit të OST/OT-së; dhe
 - 2.3 Shqyrtimet e jashtëzakonshme (Neni 6), që përfshijnë përshtatjet në të hyrat e lejuara maksimale si rezultat i ndryshimeve materiale në kostot dhe/apo të hyrat e OST/OT-së të shkaktuara nga një ngjarje e jashtëzakonshme, do të bëhen sipas nevojës.
3. Të hyrat e lejuara maksimale do të alokohen në mes të ngarkesave TNUOS, ngarkesave të operatorit të sistemit dhe ngarkesave të operatorit të tregut, me qëllim të përcaktimit të këtyre ngarkesave (Neni 15).

Neni 4

Shqyrtimet periodike dhe periudhat rregullative

1. Të hyrat e lejuara maksimale për OST/OT-në për periudhën rregullative do të caktohen gjatë shqyrtimeve periodike.
2. Shqyrtimet periodike do të mbahen para çdo periudhe rregullative.
3. Secila periudhë rregullative do të jetë 5-vjeçare, përveç:
 - 3.1 Gjatë periudhës tranzitore të dhënë në Shtojcën 10, dhe
 - 3.2 Në rast të pajtimit reciprok në mes të OST/OT-së dhe rregullatorit, Periudha rregullative mund të shkurtohet apo të zgjatet.
4. Formulat për llogaritjen e të hyrave të lejuara maksimale për shqyrtimet periodike janë të dhëna në Shtojcën 1.
5. Procesi për realizimin e shqyrtimeve periodike është dhënë në Shtojcën 5.



Neni 5

Përshtatjet e rregullta

- 1 Gjatë përshtatjeve të rregullta do të llogariten ndryshimet e lejuara të të hyrave të lejuara maksimale.
- 2 Përshtatjet e rregullta do të bëhen para çdo viti të ardhshëm relevant.
- 3 Ndryshimi i të hyrave të lejuara maksimale gjatë çdo përshtatjeje të rregullt duhet të llogaritet duke u bazuar në:
 - 3.1 Indeksimin e kostove të lejuara të operimit dhe të mirëmbajtjes për të marrë parasysh përmirësimet e pritura përmes faktorit të efikasitetit;
 - 3.2 Indeksimin e kostove të lejuara të operimit dhe të mirëmbajtjes (pas aplikimit të faktorit të efikasitetit), zhvlerësimin e lejuar dhe kthimin e lejuar në kapital me inflacionin;
 - 3.3 Parashikimet e azhuruara për kostot e lejuara të shërbimeve ndihmëse dhe kostot e lejuara të humbjeve, si dhe të taksës së licencës;
 - 3.4 Nën-mbulimin apo mbi-mbulimin e kostove të lejuara të humbjeve në vitin e tanishëm relevant (i përfunduar tashmë), që mund të vijnë si pasojë e ndryshimeve të vëllimeve të parashikuara dhe të realizuara të energjisë elektrike të transmetuar dhe çmimeve të energjisë me shumicë, me mundësi të ndarjes së nën apo mbi-mbulimit të tillë në mes të OST-së dhe të shfrytëzuesve të sistemit të transmisionit, dhe
 - 3.5 Nën-mbulimin apo mbi-mbulimin e të hyrave të lejuara maksimale gjatë vitit relevant të tanishëm, për shkak të diferencave në mes të transmetimit të parashikuar dhe aktual të energjisë elektrike në rrjetin e tij dhe/ose diferencave në mes të kërkesës maksimale të parashikuar dhe asaj të realizuar.
- 4 Formulatat për llogaritjen e të hyrave të lejuara maksimale gjatë përshtatjeve të rregullta janë dhënë në Shtojcën 1.
- 5 Procesi për realizimin e përshtatjeve të rregullta është dhënë në Shtojcën 6.

Neni 6

Shqyrtimet e jashtëzakonshme

- 1 Shqyrtimet e jashtëzakonshme shkaktohen nga ngjarjet e jashtëzakonshme, siç përkufizohen në Shtojcën 8.
- 2 Gjatë shqyrtimeve të jashtëzakonshme do të llogaritet ndikimi i ngjarjes së jashtëzakonshme në të hyrat e lejuara maksimale a për pjesën e mbetur të periudhës rregullative. Nëse ndikimi është më i lartë se pragu i materialitetit, atëherë do të bëhet përshtatje e jashtëzakonshme në të hyrat



e lejuara maksimale. Pragu i materialitetit do të jetë 5% e të hyrave, përveç në rastet kur vendoset ndryshe në shqyrtimet periodike në marrëveshje të përbashkët në mes të OST/OT-së dhe rregullatorit.

- 3 Llogaritja e ndikimit mbi të hyrat maksimale të lejuara dhe e përshtatjes së jashtëzakonshme nuk duhet të marrë parasysh faktorët të cilët nuk ndikohen drejtpërsëdrejti nga ngjarja e jashtëzakonshme.
- 4 Rregullatori do të marrë parasysh ndikimet e vazhdueshme të ngjarjeve të jashtëzakonshme (që e kalojnë pragun e materialitetit) në shqyrtimet e ardhshme periodike.
- 5 Procesi për realizimin e shqyrtimeve të jashtëzakonshme është dhënë në Shtojcën 7.



KREU III TË HYRAT E LEJUARA MAKSIMALE

Neni 7

Parimet themelore

- 1 Të hyrat e lejuara maksimale do të caktohen në atë shkallë që i mundëson OST/OT-së mbulimin e kostove të arsyeshme për ofrimin e shërbimeve të sistemit të transmisionit dhe operimit të Tregut, në masën që këto kosto të jenë të justifikuar dhe të vlerësuara me kujdes.
- 2 Kostot e arsyeshme të OST/OT-së përfshijnë:
 - 2.1 Kostot e lejuara operative dhe të mirëmbajtjes (Neni 8), të cilat do të përshtaten për të marrë parasysh inflacionin dhe faktorin e efikasitetit gjatë përshtatjeve të rregullta;
 - 2.2 Zhvlerësimin e lejuar (Neni 9), i cili do të përshtatet për të reflektuar inflacionin gjatë përshtatjeve të rregullta;
 - 2.3 Kthimin e lejuar në kapital (Neni 10), i cili do të përshtatet për të reflektuar inflacionin gjatë përshtatjeve të rregullta;
 - 2.4 Kostot e lejuara për shërbimet ndihmëse (Neni 11), të cilat do të do të barten në mënyrë të plotë gjatë përshtatjeve të rregullta;
 - 2.5 Kostot e lejuara të humbjeve (Neni 12), të cilat do të bazohen në nivelin e lejuar të humbjeve dhe do të barten gjatë përshtatjeve të rregullta bazuar në faktorin ndarës të humbjeve;
 - 2.6 Taksa e licencave (Neni 13), që do të bartet në mënyrë të plotë gjatë përshtatjeve të rregullta; dhe
 - 2.7 Kostot e obligimeve për shërbime publike (komunale), që nuk mbulohen nga ndonjë mekanizëm tjetër.
- 3 Gjatë përcaktimit të kostove të lejuara, rregullatori do t'u referohet, por nuk kufizohet apo limitohet në:
 - 3.1 Informatat ekzistuese të periudhave të kaluara për vëllimin, koston dhe kualitetin e shërbimeve të OST/OT-së;
 - 3.2 Parashikimin rreth vëllimit, kostove dhe kualitetit të shërbimeve të OST/OT-së;
 - 3.3 Krahasimet me ndërmarrje të ngjashme në Kosovë dhe shtete të tjera në Evropë, duke marrë parasysh ngjashmëritë në mes të industrisë së energjisë elektrike në ato shtete me atë të Kosovës; dhe



- 3.4 Krahasimet me kostot e aktiviteteve të ngjashme në Kosovë dhe shtete të tjera në Evropë, duke marrë parasysh ngjashmëritë në mes të industrisë së energjisë elektrike në ato shtete me atë të Kosovës.
- 4 Në rastet kur OST/OT pranon të hyra nga mekanizmi i kompensimit ndërmjet OST-ve në regjion, këto të hyra do të zbriten nga të hyrat e lejuara maksimale.

Neni 8

Kostot e lejuara operative dhe të mirëmbajtjes

- 1 Në dorëzimin e vlerësimit të kostove fikse dhe kostove të tjera të operimit dhe të mirëmbajtjes, të cilat kërkohen të mbulohen me të hyrat e lejuara maksimale për periudhën rregullatore vijuese, OST/OT duhet të kërkojë mbulimin e vetëm atyre kostove të cilat në mënyrë të arsyeshme mund t' u atribuohen të licencuarve të OST/OT-së.
- 2 Kostot e lejuara operative dhe të mirëmbajtjes do të përfshijnë vetëm komponentët apo elementet e kostove të korporatës (të ndonjë kompanie amë apo kompanie degë) që mund t' u atribuohen në mënyrë të arsyeshme të licencuarve të OST/OT-së, duke përdorur praktika normale dhe të zakonshme të kontabilitetit.
- 3 Në çdo përshtatje rregullative, faktori i efikasitetit do të aplikohet te kostot e lejuara operative dhe të mirëmbajtjes, sipas formulës së dhënë në Shtojcën 1.
- 4 Rregullatori do të përcaktojë faktorin e efikasitetit në shqyrtimet periodike, bazuar në përmirësimin vjetor të efikasitetit të kostove operative dhe të mirëmbajtjes të OST/OT-së që mund të priten. Të gjitha përfitimet nga efikasiteti do të përmbliidhen në faktorin e efikasitetit dhe nuk do të llogariten dyfish në parashikimet e kostove operative dhe të mirëmbajtjes.
- 5 Në përcaktimin e faktorit të efikasitetit, rregullatori do t' i referohet, por nuk është i kufizuar apo i limituar, nga faktorët e specifikuar në paragrafin 3 të Nenit 7.

Neni 9

Zhvlerësimi i lejuar

- 1 Kostoja e zhvlerësimit do të llogaritet në mënyrë lineare si funksion i jetëgjatësisë ekonomike dhe bazës së aseteve të rregulluara për kategori të ndryshme të aseteve, siç përshkruhet në Shtojcën 2.

Neni 10

Kthimi i lejuar në kapital

- 1 Kthimi i lejuar në kapital do të llogaritet si funksion i bazës së aseteve të rregulluara dhe mesatares së ponderuar të kostos së kapitalit, siç përshkruhet në Shtojcën 2 dhe në Shtojcën 3.



- 2 Kthimi i lejuar në kapital do të llogaritet bazuar në vlerën e bazës së aseteve të rregulluara në mes të çdo viti relevant (si mesatare e vlerës së hapjes dhe vlerës së mbylljes së bazës së aseteve të rregulluara).
- 3 OST/OT nuk do të fitojë kthim të lejuar për asetet e financuara nga grantet kapitale.

Neni 11

Kostot e lejuara për shërbime ndihmëse

- 1 Kostot e lejuara të shërbimeve ndihmëse për vitin e ardhshëm relevant do të propozohen nga OST/OT gjatë shqyrtimeve periodike dhe gjatë përshtatjeve të rregullta duke përdorur parashikimin për blerjet e nevojshme të shërbimeve OST/OT në vitin e ardhshëm relevant dhe çmimet e parashikuara për këto blerje.
- 2 Parashikimi i këtyre blerjeve të nevojshme dhe çmimeve do të mbështetet me dëshmitë e nevojshme, duke përfshirë këtu edhe marrëveshjet për shërbime ndihmëse në të cilat mund të ketë hyrë OST/OT.
- 3 Rregulatori do të përcaktojë kostot e lejuara për shërbimet ndihmëse, duke marrë parasysh propozimin e lartpërmendur, pas vlerësimit të dëshmimeve të ofruara për nevojën dhe koston e këtyre shërbimeve. Gjatë këtij vlerësimi, ZRRE do të shqyrtojë nëse këto shërbime ndihmëse i janë nënshtruar prokurimit konkurrues apo do të marrë parasysh ndonjë dëshmi tjetër që mund të sigurohet për të treguar se prokurimi i këtyre shërbimeve është bërë mbi bazë ekonomike.

Neni 12

Kostot e lejuara të humbjeve

- 1 Kostoja e lejuar e humbjeve do të jetë kostoja e parashikuar e humbjeve që do të mbulohet prej FPPEE-së nga OST-ja për të kompensuar humbjet në sistemin e transmisionit, dhe do të llogariten duke përdorur nivelin e lejuara të humbjeve që do të caktohet gjatë shqyrtimeve periodike.
- 2 Të hyrat e lejuara maksimale do të përshtaten për të reflektuar ndryshimet në koston e lejuar të humbjeve gjatë përshtatjeve të rregullta sipas formulave të dhëna në Shtojcën 1. Kjo përshtatje do të:
 - 2.1 Kthejë nën-mbulimin apo mbi-mbulimin e kostove të lejuara të humbjeve gjatë vitit relevant, kudo që këto shkaktohen për arsye të tjera nga mosarritja e nivelit të lejuar të humbjeve;
 - 2.2 Ndajë ndryshimin në mes të kostove të lejuara të humbjeve dhe kostove të realizuara të humbjeve gjatë një viti relevant, bazuar në faktorin ndarës të humbjeve, që caktohet në shqyrtimet periodike; dhe
 - 2.3 Azhurnojë koston e parashikuar të lejuar të humbjeve për vitin e ardhshëm relevant, bazuar në parashikimin e kostove të energjisë me shumicë të FPPEE-së.



- 3 Gjatë përcaktimit të nivelit të lejuar të humbjeve, rregullatori do të marrë parasysh:
 - 3.1 Nivelin e realizuar të humbjeve në transmision për periudhën më të vonshme të përfunduar prej 12 muajsh të njëpasnjëshëm për të cilën ekzistojnë të dhëna të sakta;
 - 3.2 Uljet e pritshme të humbjeve gjatë periudhës rregullative që mund të ndodhin si pasojë e planit të aprovuar të investimit; dhe
 - 3.3 Nivelin e humbjeve të transmisionit në sistemet e krahasueshme të transmisionit në shtete të tjera në Evropë, duke marrë parasysh ngjashmëritë në mes të industrisë së energjisë elektrike në ato shtete me atë të Kosovës.
- 4 Niveli i lejuar i humbjeve dhe faktori ndarës i humbjeve duhet të jetë i mjaftueshëm që të nxisë OST-në të reduktojë humbjet në transmision, por të mos vendosë kosto të atilla për OST-në që do të kërcënonin pozitën e saj financiare.
- 5 Metodologjia e përdorur për matjen e nivelit të realizuar të humbjeve në transmision mund të ndryshohet në bazë të një pajtimi të përbashkët në mes të rregullatorit dhe OST-së. Në këto raste, niveli i humbjeve të lejuara do të përshtatet në mënyrë që të jetë në përputhje me metodologjinë e ndryshuar, ashtu që niveli absolut i reduktimit të humbjeve (i shprehur në pikë përqindjeje) gjatë periudhës rregullative të mbetet i pandryshuar.

Neni 13

Kostot e bartura të taksës së licencës

- 1 OST/OT do të bartë koston e plotë të taksës së licencës në çdo përshtatje të rregullt.

Neni 14

Kostot e përjashtuara

- 1 Të hyrat e lejuara maksimale nuk do të mbulojnë kostot e ofrimit të shërbimeve (duke përfshirë sigurimin e linjave elektrike apo stabilimentit elektrik) të cilat konsiderohen si shërbime të përjashtuara sipas Shtojcës 4, duke përfshirë:
 - 1.1 Shërbime nga të cilat përfiton në mënyrë të veçantë ndonjë palë e tretë që e kërkon shërbimin; dhe
 - 1.2 Rastet kur shërbimi paguhet nga ngarkesa të tjera që nuk përfshijnë ngarkesat për përdorimin e sistemit të transmisionit.
- 2 Kostoja e kryerjes së shërbimeve të përjashtuara do të mbulohet nga OST/OT në pajtim me Shtojcën 4.



Neni 15

Alokimi i të hyrave të lejuara maksimale në ngarkesa

- 1 Të hyrat e lejuara maksimale brenda çdo viti relevant alokohen në të hyra që mund të mbulohen nga ngarkesat TNUOS, ngarkesat për operator të sistemit dhe nga ato për operator të tregut si vijon:
 - 1.1 Kostot për operim të sistemit, duke përfshirë kostot e lejuara të humbjeve, mbulohen nga ngarkesat për operator të sistemit. OST/OT do të zhvillojë një metodologji për të specifikuar se si këto kosto do t'i alokohen operatorit të sistemit;
 - 1.2 Kostot për operim të tregut mbulohen nga ngarkesat për operim të tregut. OST/OT do të zhvillojë një metodologji për të specifikuar se si këto kosto do t'i alokohen operatorit të tregut; dhe
 - 1.3 Të gjitha të hyrat e lejuara të mbetura, që nuk mbulohen përmes 1.1 dhe 1.2, do të mbulohen nga ngarkesat e TNUOS.

Neni 16

Zbutja e të hyrave të lejuara

- 1 Gjatë shqyrtimeve periodike, rregullatori do të zbusë kthimin e zhvlerësimit të lejuar dhe kthimin e lejuar në kapital, ashtu që të jenë konstante në çdo vit relevant të periudhës rregullatore. Kjo zbutje do të arrihet duke u siguruar që vlera neto e tanishme e zhvlerësimit dhe kthimit në kapital të zbutur dhe atij të pazbutur (gjatë periudhës rregullative) të jenë të barabarta, duke përdorur mesataren e kostos së ponderuar të kapitalit si normë diskontimi.
- 2 Gjatë shqyrtimeve periodike, rregullatori gjithashtu mund të përshtatë profilin e të hyrave të lejuara maksimale të periudhës rregullative, në mënyrë që të minimizojë ndryshime të konsiderueshme të menjëhershme në mes të vitit të fundit të periudhës së tanishme rregullative dhe vitit të parë të periudhës së ardhshme rregullative. Rregullatori do t'i kushtojë vëmendje të posaçme ndikimit që çdo profilizim do të ketë në rrjedhën e parasë së OST/OT-së dhe aftësisë së saj që të ofrojë shërbime të rrjetit të sistemit dhe shërbime të operatorit të tregut.
- 3 Ky profilizim shtesë do të bëhet duke aplikuar faktorin profilizues, i cili mund të ndryshojë në çdo vit relevant të periudhës rregullative. Në përcaktimin e faktorit profilizues të shqyrtimit periodike, rregullatori do të sigurohet që vlera neto e tanishme e të hyrave të lejuara maksimale të parashikuara (gjatë periudhës rregullative) të jetë e pandryshuar, duke përdorur mesataren e kostos së ponderuar të kapitalit si normë diskontimi.



KREU IV NGARKESAT TNUOS

Neni 17

Parimet e përgjithshme

- 1 OST/OT do të caktojë ngarkesat TNUOS, në mënyrë që:
 - 1.1 OST/OT-ja të mbulojë të hyrat e lejuara që nuk mbulohen nga ngarkesat e tjera; dhe
 - 1.2 Ngarkesat TNUOS të jenë në pajtim me metodologjinë e përpiluar nga OST/OT dhe të aprovuar nga rregullatori. Metodologjia duhet të jetë në pajtim me Parimet e ngarkesave të transmisionit të nxjerra nga rregullatori.

Neni 18

Procedura për aprovimin e ngarkesave TNUOS

- 1 OST/OT do t'i dorëzojë për aprovim rregullatorit metodologjinë për ngarkesat TNUOS dhe amendamentimet pasuese së paku 30 ditë pune datës së propozuar të hyrjes së tyre në fuqi.
- 2 Metodologjia apo amendamenti i metodologjisë nuk do të hyjë në fuqi derisa të aprovohet nga rregullatori.
- 1 OST/OT ka të drejtë të përcaktojë ngarkesat TNUOS sipas kërkesave të Nenit 17.



KREU V NGARKESAT PËR OPERATOR TË SISTEMIT

Neni 19

Parimet e përgjithshme

- 1 OST/OT-ja do të caktojë ngarkesat për operatorin e sistemit, në mënyrë që:
 - 1.1 OST/OT të mbulojë kostot e operatorit të sistemit për kryerjen e shërbimeve të operatorit të sistemit, siç autorizohet me licencën e OST-së;
 - 1.2 Kostot e lejuara për humbje të përfshihen në kostot e operatorit të sistemit dhe të mbulohen nga kostot e operatorit të sistemit; dhe
 - 1.3 Ngarkesat për operator të sistemit të jenë në pajtim me metodologjinë e përpiluar nga OST/OT dhe të aprovuar nga rregullatori. Metodologjia duhet të theksojë se si do të alokohen kostot në funksionin e operatorit të sistemit dhe si do të mbulohen këto kosto nga ngarkesat. Metodologjia duhet të jetë në pajtim me Parimet e ngarkesave të transmisionit të nxjerra nga rregullatori.

Neni 20

Procedura për aprovimin e ngarkesave për operatorin e sistemit

- 1 OST/OT do t'i dorëzojë për aprovim rregullatorit metodologjinë për ngarkesat e operatorit të sistemit dhe amendamentimet pasuese së paku 30 ditë pune para datës së saj të propozuar për hyrje në fuqi.
- 2 Metodologjia apo amendamenti i metodologjisë nuk do të jetë efektive derisa të aprovohet nga rregullatori.
- 3 OST/OT ka të drejtë të përcaktojë ngarkesat për operatorin e sistemit sipas kërkesave të Nenit 19.



KREU VI NGARKESAT PËR OPERATOR TË TREGUT

Neni 21

Parimet e përgjithshme

- 1 OST/OT-ja do të caktojë ngarkesat për operatorin e tregut, në mënyrë që:
 - 1.1 OST/OT të mbulojë kostot e operatorit të tregut për kryerjen e shërbimeve siç autorizohet me licencën e operatorit të tregut; dhe
 - 1.2 Ngarkesat për operatorin e tregut të jenë në pajtim me metodologjinë e përpiluar nga OST/OT dhe të aprovuar nga rregullatori. Metodologjia duhet të theksojë se si do të alokohen kostot në funksionin e operatorit të tregut dhe si do të mbulohen këto kosto nga ngarkesat. Metodologjia duhet të jetë në pajtim me parimet e ngarkesave të transmisionit të nxjerra nga rregullatori.

Neni 22

Procedura për aprovimin e ngarkesave për operatorin e tregut

- 1 OST/OT do t'i dorëzojë për aprovim rregullatorit metodologjinë për ngarkesat për operatorin e tregut dhe amendamentimet pasuese së paku 30 ditë pune para datës së propozuar të hyrjes në fuqi.
- 2 Asnjë metodologji apo amendamentim i metodologjisë nuk do të jetë efektive derisa të aprovohet nga rregullatori.
- 3 OST/OT ka të drejtë të vlerësojë ngarkesat për operatorin e tregut sipas kërkesave të Nenit 21.



KREU VII TAKSAT PËR KYÇJE

Neni 23

Parimet e përgjithshme

- 1 OST/OT-ja do të caktojë taksat për kyçje, në mënyrë që:
 - 1.1 OST/OT të mbulojë kostot e kyçjeve që nuk mbulohen nga ngarkesat e tjera; dhe
 - 1.2 Taksat për kyçje të jenë në pajtim me metodologjinë e përpiluar nga OST/OT dhe të aprovuar nga rregullatori. Metodologjia duhet të jetë në pajtim me parimet e ngarkesave të transmisionit të nxjerra nga rregullatori.
- 2 Kostot e kyçjes do të përfshijnë:
 - 2.1 Koston e punëve që kanë të bëjnë me instalimin e stabilimenteve elektrike, linjave, matësve, si dhe pajisjeve të tjera që shfrytëzohen për ndërtimin apo modifikimin e një kyçjeje të ndonjë pike të energjisë elektrike apo konsumatori përderisa këto kosto nuk mbulohen nga ngarkesat TNUOS;
 - 2.2 Koston e mënjanimit të stabilimenteve elektrike, linjave, matësve apo pajisjeve të tjera për shkyçjen e ndonjë pike të energjisë elektrike apo konsumatori nga sistemi i transmisionit;
 - 2.3 Normën e arsyeshme të kthimit të kapitalit që përfaqësohet nga këto kosto; dhe
 - 2.4 Koston e mirëmbajtjes së stabilimenteve elektrike, linjave, matësve dhe pajisjeve të tjera që përndryshe nuk mbulohen nga ngarkesat TNUOS.
- 3 Të hyrat nga ngarkesat për kyçje përfshihen në të hyrat nga shërbimet e përjashtuara siç përkufizohen në Shtojcën 4.
- 4 Kufiri në mes të atyre kostove që mbulohen nga taksat e kyçjes, kostove që mbulohen nga ngarkesat TNUOS, kostove që do të mbulohen nga ngarkesat për operator të sistemit dhe kostove që do të mbulohen nga ngarkesat për operator të tregut ose nga ngarkesat e tjera do të definohet në metodologjinë për përcaktimin e taksave të kyçjes.

Neni 24

Procedura për aprovimin e taksave për kyçje

- 1 OST/OT-ja do t'i dorëzojë për aprovim rregullatorit metodologjinë për taksat e kyçjes dhe amendamentimet pasuese së paku 30 ditë pune para datës së propozuar të hyrjes në fuqi.



- 2 Metodologjia apo amendamenti i metodologjisë nuk do të jetë efektiv derisa të aprovohet nga rregullatori.
- 3 OST/OT-ja ka të drejtë të përcaktojë taksat për kyçje sipas kërkesave të Nenit 23.
- 4 Palët të cilat kyçen në sistemin e transmisionit kanë të drejtë të paraqesin ankesë mbi taksat për kyçje te rregullatori, siç përcaktohet në legjislacionin përkatës.



KREU VIII MBITAKSAT PËR SKEMËN MBËSHTETËSE PËR ENERGINË E RIPËRTËRITSHME

Neni 25

Parimet e përgjithshme

- 1 OST/OT do t'i mbulojë mbitaksat e skemës mbështetëse për energjinë e ripërtëritshme nga shfrytëzuesit e sistemit të transmisionit.
- 2 Skema mbështetëse për energjinë e ripërtëritshme do të shënohet ndaras në faturat që lëshohen nga OST/OT.
- 3 Vlera totale e mbledhur e të hyrave, do të alokohet në konton e fondit për energjinë e ripërtëritshme dhe asnjë pjesë nga ajo shumë e mbledhur nuk mund të mbahet nga OST/OT.



KAPITULLI IX DISPOZITAT KALIMTARE DHE PËRFUNDIMTARE

Neni 26

Gjuha zyrtare

Kjo rregull është nxjerrë në gjuhën shqipe dhe do të përkthehet në gjuhën serbe dhe angleze. Në rast të mospërputhjes midis versioneve, do të mbizotërojë versioni në gjuhën shqipe.

Neni 27

Ndryshimi

1. ZRRE mban të drejtën që ta ndryshojë ose ta modifikojë çdo dispozitë të kësaj rregulle.
2. Procedurat për ndryshim ose modifikim të kësaj rregulle do të jenë të njëjta si për miratimin e saj.

Neni 28

Interpretimi

Në rast se ka paqartësi për dispozitat e kësaj rregulle, Bordi do të nxjerrë informacione shpjeguese.

Neni 29

Shfuqizimi

Kjo rregull shfuqizon “Rregullën mbi Parimet e Llogaritjes së Tarifave në Sektorin e Energjisë Elektrike (Rregulla e Çmimeve)” dhe “Metodologjinë e Tarifave për Sektorin e Energjisë Elektrike”, të aprovuara 15 dhjetor 2005, si dhe amendamentimet e bëra më 29 nëntor 2006 në Metodologjinë e Tarifave, të nxjerra sipas Ligjit mbi Rregullatorin e Energjisë Nr. 2004/9.

Neni 30

Hyrja në fuqi

Kjo rregull hyn në fuqi në datën e miratimit nga Bordi i ZRRE-së dhe do të publikohet në faqen elektronike zyrtare të ZRRE-së:

Bordi i ZRRE-së:

Dr. Ali Hamiti, kryesues

Përparim Kabashi, anëtar

Blerim Koci, anëtar



SHTOJCA 1 LLOGARITJA E TË HYRAVE TË LEJUARA MAKSIMALE

- 1 Kjo shtojcë paraqet formulat për llogaritjen e të hyrave të lejuara maksimale për OST/OT-në. Kjo shtojcë plotëson dhe sqaron aplikimin e parimeve të dhëna në pjesën kryesore të rregullës.
- 2 Të hyrat e lejuara maksimale (MART) do të llogariten gjatë shqyrtimeve periodike dhe përshtatjeve të rregullta sipas formulës në vijim:

$$MAR_t = OPMC_t + DEPC_t + - RTNC_t + ASVC_t + LSSC_t + LICC_t - ITCR + KREV_t$$

Ku janë:

MAR_t	<i>Të hyrat e lejuara maksimale në vitin relevant t ("Maximum Allowed Revenues in Relevant Year t")</i>
$OPMC_t$	<i>Kostot operative dhe të mirëmbajtjes në vitin relevant t ("is allowed operating and maintenance costs in Relevant Year t")</i>
$DEPC_t$	<i>Zhvlerësimi i lejuar në vitin relevant t (" is allowed depreciation in Relevant Year t")</i>
$RTNC_t$	<i>Kthimi i kostos së kapitalit i lejuar në vitin relevant t ("is allowed return on capital in Relevant Year t")</i>
$ASVC_t$	<i>Kostot e lejuara për shërbime ndihmëse në vitin relevant t ("is allowed cost of ancillary services in Relevant Year t")</i>
$LSSC_t$	<i>Kostoja e lejuar e humbjeve në vitin relevant t ("is allowed cost of losses in Relevant Year t")</i>
$LICC_t$	<i>Kostoja e taksës për licencë në vitin relevant t ("is the Licence Fee in Relevant Year t")</i>
$ITCR_t$	<i>Të hyrat neto të OST/OT nga mekanizmi kompensues ndër-OST në vitin relevant t ("is net revenues to the TSO/MO under the Inter-TSO Compensation Mechanism in Relevant Year t")</i>
$KREV_t$	<i>Faktori korrigjues i të hyrave në vitin relevant t ("is the revenue correction factor in Relevant Year t")</i>
2.1	<i>Kostot e lejuara të operimit dhe mirëmbajtjes ($OPMC_t$) do të llogariten gjatë përshtatjeve të rregullta sipas formulës në vijim:</i>

$$OPMC_t = OPMC_{t-1} * (1 + CPI_{t-1}) * (1 - E_t) * (1 - P_t)$$

Ku janë:



$OPMC_t$	<i>Kostot operative dhe të mirëmbajtjes në vitin relevant t (“is allowed operating and maintenance costs in Relevant Year t”)</i>
$OPMC_{t-1}$	<i>Kostot operative dhe të mirëmbajtjes në vitin relevant t, përveç në vitin relevant 1, ku do të përdoret një vlerë e përcaktuar nga rregullatori që bazohet nga shqyrtimi më i vonshëm periodik (“is allowed operating and maintenance costs in Relevant Year t-1, except for Relevant Year 1 when a value determined by the Regulator at the most recent Periodic Review shall be used”)</i>
CPI_{t-1}	<i>Vlera e realizuar e inflacionit në vitin relevant t-1, matur duke përdorur Indeksit e harmonizuar të çmimeve të konsumit (HICPs) – për të gjitha njësitë në Eurozonë, të publikuar nga Eurostat-i, apo ndonjë vlerësim tjetër i inflacionit që rregullatori e përcakton si masën më të mirë të ndryshimit në kostot e operimit dhe mirëmbajtjes gjatë kohës dhe i cili është lejuar gjatë shqyrtimit periodik (“is the actual value of inflation in Relevant Year t-1”)</i>
E_t	<i>Faktori i efikasitetit në vitin relevant t, që caktohet gjatë shqyrtimeve periodike (“is the Efficiency Factor in Relevant Year t, which is set at Periodic Reviews”)</i>
P_t	<i>Faktori profilizues në vitin relevant t, që caktohet gjatë shqyrtimeve periodike (“is the Profiling Factor in Relevant Year t, which is set at Periodic Reviews”)</i>

2.2 Kostot e lejuara të zhvlerësimit ($DEPC_t$)($AOMC_t$) do të llogariten gjatë përshtatjeve të rregullta duke përdorur formulën:

$$DEPC_t = DEPC_t * (1 + CPI_{t-1}) * (1 - P_t)$$

Ku janë:

$DEPC_t$	<i>Zhvlerësimi i lejuar në vitin relevant t, që është zbutur ashtu që të jetë konstant gjatë periudhës rregullative (“ is other allowed depreciation in Relevant Year t, which is smoothed such that it is constant over the Regulatory Period”)</i>
$DEPC_{t-1}$	<i>Zhvlerësimi i lejuar në vitin relevant t, përveç në vitin relevant 1, ku do të përdoret një vlerë e përcaktuar nga rregullatori që bazohet nga shqyrtimi më i vonshëm periodik dhe që është zbutur ashtu që të jetë konstante gjatë periudhës rregullative (“is allowed depreciation in Relevant Year t-1, except for Relevant Year 1 when a value determined by the Regulator at the most recent Periodic Review shall be used, which is smoothed such that it is constant over the Regulatory Period”)</i>
CPI_{t-1}	<i>Vlera e realizuar e inflacionit në vitin relevant t-1, matur duke përdorur Indeksit e harmonizuar të çmimeve të konsumit (HICPs) – për të gjitha njësitë në Eurozonë, të publikuar nga Eurostat-i (“is the actual value of inflation in</i>



Relevant Year t-1, measured using the “Harmonised Indices of Consumer Prices (HICPs) – All Items, for the Eurozone” published by Eurostat”

P_t *Faktori profilizues në vitin relevant t, që caktohet gjatë shqyrtimeve periodike (“is the Profiling Factor in Relevant Year t, which is set at Periodic Reviews”)*

2.3 Kostoja e lejuar e kthimit të kapitalit ($RTNC_t$) do të llogaritet gjatë përshtatjeve të rregullta sipas formulës:

$$RTNC_t = RTNC_t * (1 + CPI_{t-1}) * (1 - P_t)$$

Ku janë:

$RTNC_t$ *Kthimi i lejuar i kapitalit në vitin relevant t, që është zbutur ashtu që të jetë konstant gjatë periudhës rregullative (“ is allowed return on capital in Relevant Year t, which is smoothed such that it is constant over the Regulatory Period”)*

$RTNC_{t-1}$ *Kthimi i lejuar i kapitalit në vitin relevant t, përveç në vitin relevant 1, ku do të përdoret një vlerë e përcaktuar nga rregullatori që bazohet nga shqyrtimi më i vonshëm periodik dhe që është zbutur ashtu që të jetë konstant gjatë periudhës rregullative (“is allowed return on capital in Relevant Year t-1, except for Relevant Year 1 when a value determined by the Regulator at the most recent Periodic Review shall be used, which is smoothed such that it is constant over the Regulatory Period”)*

CPI_{t-1} *Vlera e realizuar e inflacionit në vitin relevant t-1, matur duke përdorur indeksin e harmonizuar të çmimeve të konsumit (HICPs) – për të gjitha njësitë në Eurozonë, të publikuar nga Eurostat-i (“is the actual value of inflation in Relevant Year t-1, measured using the “Harmonised Indices of Consumer Prices (HICPs) – All Items, for the Eurozone” published by Eurostat”)*

P_t *Faktori profilizues në vitin relevant t, që caktohet gjatë shqyrtimeve periodike (“is the Profiling Factor in Relevant Year t, which is set at Periodic Reviews”)*

2.4 Kostoja e lejuar e humbjeve ($LSSC_t$) do të llogaritet gjatë përshtatjeve të rregullta sipas formulës:

$$LSSC_t = LSSCA_t * REUE_t * WHEA_t + (LSSCa_{t-1} - LSAC_{t-1}) * (1 + I_t) + (LSSCa_{t-1} - LSAC_{t-1}) * LSSF_t$$

Ku

$LSSC_t$ *Kostoja e lejuar e humbjeve për vitin relevant t (“is allowed cost of losses in Relevant Year t”)*



$LSAC_t$	<i>Humbjet e lejuara, që janë paraqitur si përqindje e energjisë që hyn në sistemin e transmisionit në vitin relevant t (" is the Loss Allowance, which is a percentage of energy entering the Transmission System, in Relevant Year t")</i>
$REUE_t$	<i>Njësitë e energjisë (MWh) që hyjnë në sistemin e transmisionit në vitin relevant t ("is the energy units (in MWh) entering the Transmission System in Relevant Year t")</i>
$WHEA_t$	<i>Mesatarja e kostos me shumicë të energjisë (€/MWh) e përcaktuar duke përdorur kostot e lejuara me shumicë për FPEE në vitin relevant t ("is the average wholesale energy cost (in €/MWh) as determined using the allowed wholesale energy cost for the PES in Relevant Year t")</i>
$LSSCa_{t-1}$	<i>Koston e realizuar të humbjeve të lejuara në vitin relevant t-1, (llogaritur duke përdorur humbjet e lejuara) ("is the actual allowed cost of losses in Relevant Year t-1 (calculated using the Loss Allowance)")</i>
$LSSCf_{t-1}$	<i>Kostoja e parashikuar e humbjeve në vitin relevant t-1, (llogaritur duke përdorur humbjet e lejuara) ("Is the forecast cost of losses in Relevant Year t-1 (calculated using the Loss Allowance)")</i>
I_t	<i>Norma e interesit për vitin relevant t, që llogaritet bazuar në EURIBOR plus S%, ku S paraqet vlerën e përcaktuar nga ZRRE-ja gjatë shqyrtimeve periodike që reflekton preminë e pagueshme nga i licencuari për hua afatshkurtra</i>
$LSAC_{t-1}$	<i>Koston e humbjeve të realizuara gjatë blerjes së energjisë nga PES si kompensim të energjisë së humbur në rrjetin e transmisionit (nuk llogaritet duke përdorur humbjet e lejuara) në vitin relevant t-1 ("is cost of losses actually incurred by the TSO in purchasing energy from the PES as compensation for energy lost on the Transmission System in Relevant Year t-1 (not calculated using the Loss Allowance)")</i>
$LSSF_t$	<i>Faktori i ndarjes së humbjeve në vitin relevant t, që caktohet gjatë shqyrtimeve periodike ("is the Loss Sharing Factor in Relevant Year t, which is set at Periodic Reviews")</i>
2.5	Faktori i përshtatjes së të hyrave ($KREV_t$) do të llogaritet gjatë përshtatjeve të rregullta duke përdorur formulën në vijim: $KREV_t = (MAR_{t-1} - ARR_{t-1}) * (1 + I_t)$ Ku janë: ARR_{t-1} Paraqet të hyrat aktuale të rregulluara në vitin relevant t-1 ("is the Actual Regulated Revenues in Relevant Year t-1")



- MAR_{t-1} *Paraqet të hyrat e lejuara maksimale për vitin relevant t-1 (“is Maximum Allowed Revenues as determined in Relevant Year t-1”)*
- I_t *Është norma e interesit për vitin relevant t, që llogaritet bazuar në EURIBOR plus S%, ku S paraqet vlerën e përcaktuar nga ZRRE-ja gjatë shqyrtimeve periodike që reflekton preminë e pagueshme nga i licencuari për hua afatshkurtra*



SHTOJCA 2 BAZA E ASETEVE TË RREGULLUARA

- 1 Kjo shtojcë përshkruan përcaktimin e bazës së aseteve të rregulluara për qëllime të llogaritjes së zhvlerësimit të lejuar (Neni 9), si dhe kthimit të lejuar në kapital (Neni 10).
- 2 Baza e aseteve të rregulluara do të jetë vlerë rregullative e shumës së aseteve fikse të përdorura dhe të përdorshme të OST/OT-së, që janë të nevojshme për kryerjen e shërbimeve të sistemit të transmissioinit dhe operatorit të tregut. Baza e aseteve të rregulluara do të bëjë dallimin në mes të kategorive të ndryshme të aseteve.
- 3 Rregullatori do të përcaktojë vlerën fillestare të bazës së rregulluar të aseteve (më 1 prill 2012) para fillimit të periudhës së parë rregullative.
- 4 Baza e aseteve të rregulluara do të azhurnohet në çdo shqyrtim periodik si më poshtë:
 - 4.1 Kostoja e lejuar e zhvlerësimit gjatë periudhës rregullative të tanishme do të zbritet nga baza e aseteve të rregulluara dhe do të llogaritet në mënyrë lineare duke përdorur jetëgjatësinë ekonomike;
 - 4.2 Shitja e aseteve gjatë periudhës së tanishme rregullative do të zbritet nga baza e aseteve të rregulluara bazuar në vlerën e shitjes së tyre;
 - 4.3 Shpenzimet e lejuara kapitale gjatë periudhës së tanishme rregullative do t'i shtohen bazës së aseteve të rregulluara nga data kur asetit vihet në shërbim dhe në koston e lejuar në planin e aprovuar të investimeve. Interesi gjatë ndërtimit do të kapitalizohet. Gjatë shqyrtimeve periodike i licencuari mund të kërkojë që kostoja e realizuar e investimit dhe jo e lejuara t'i shtohet bazës së rregulluar të aseteve. Rregullatori duhet ta pranojë kërkesën nëse i licencuari mund ta demonstrojë në mënyrë të qartë se ndryshimi në mes të kostove të lejuara dhe të realizuara është si pasojë e faktorëve jashtë kontrollit të licencuarit dhe që ai i ka bërë përpjekjet më të mëdha për të minimizuar rritjet e kostove. Rregullatori nuk do të bëjë reduktime retroaktive të të hyrave të fituara gjatë periudhës rregullative të tanishme (tashmë të përfunduar) për të marrë parasysh ndryshimet në mes të kostove të lejuara dhe atyre të realizuara. Rregullatori do të marrë parasysh kostot e realizuara për shqyrtimet e ardhshme periodike si masë për parashikimin e kostove të investimeve të ardhshme;
 - 4.4 Nëse një projekt kapital i aprovuar në planin e aprovuar të investimit nuk vihet në shërbim gjatë periudhës rregullative në fjalë, kostoja e tij e lejuar nuk i shtohet bazës së aseteve të rregulluara në shqyrtimin pasues periodik dhe të gjitha të hyrat e përfituara nga projekti në periudhën rregullative do të zbriten nga të hyrat në periudhën e ardhshme rregullative.
 - 4.5 Në rastet kur kostoja e mirëmbajtjes është apo ka qenë më herët e përfshirë në shpenzimet e lejuara operative, nuk do të kapitalizohet dhe as nuk do të përfshihet në bazën e aseteve të rregulluara; dhe



- 4.6 Baza e aseteve të rregulluara do të përshtatet për të marrë parasysh inflacionin përgjatë periudhës së mëhershme rregullative, duke përdorur indekset e harmonizuara të çmimeve të konsumit për të gjitha njësitë në Eurozonë, të publikuar nga Eurostat si masë relevante.
- 5 Jetëgjatësia ekonomike e aseteve për kategori të ndryshme të aseteve do të përdoret për të llogaritur zhvlerësimin në bazën e aseteve të rregulluara. Jetëgjatësia ekonomike do të përcaktohet gjatë shqyrtimeve periodike ashtu që ajo të reflektojë jetëgjatësinë teknike të aseteve, përveç në rastet kur ekziston arsye e dëshmueshme se përse jetëgjatësia teknike e asetit duhet të jetë e ndryshme nga jetëgjatësia ekonomike e asetit.
- 6 Investimet kapitale të lejuara do të përcaktohen gjatë shqyrtimeve periodike bazuar në planin e aprovuar të investimit për periudhën e ardhshme rregullative. Plani i aprovuar i investimit do të:
 - 6.1 Përfshijë projektet kapitale të cilat janë të nevojshme për të ofruar shërbimet e sistemit të transmisionit dhe operatorit të tregut;
 - 6.2 Identifikojë çdo projekt kapital të renditur sipas prioritetit;
 - 6.3 Tregojë përfitimin nga performanca e rrjetit që pritet të arrijë çdo projekt kapital, duke iu referuar, kudo që është e nevojshme, përmbushjes së ndonjë standardi të caktuar për sigurinë e sistemit të transmisionit, standardeve të sigurisë së operimit apo planifikimit, siç mund të kërkohet nga licenca e OST-së dhe licenca e OT-së;
 - 6.4 Ketë parasysh planet tjera të investimit apo zhvillimore të OST/OT-së që janë aprovuar nga rregullatori (dhe çdo ndryshim në mes të këtyre planeve duhet të identifikohet nga OST/OT dhe të sqarohet), duke përfshirë këtu planin e investimit 3-vjeçar të përgatitur nga OST në pajtim me Nenin 6 të licencës së saj dhe të aprovuar nga Rregullatori si dhe kërkesat indikative të sugjeruara në planin e tij 10 vjeçar; dhe
 - 6.5 Zhvillohet duke përdorur analiza të kostos dhe të benefitit të projektit kapital.
- 7 Plani i aprovuar i investimit do të implementohet si më poshtë:
 - 7.1 OST/OT do të përdorë të gjitha metodat e arsyeshme për të siguruar implementimin e planit të aprovuar të investimit sipas orarit të tij të aprovuar;
 - 7.2 Nëse OST/OT, për arsye jashtë kontrollit të saj, dështon në implementimin e projekteve kapitale në pajtim me orarin e dhënë në planin e aprovuar të investimit, atëherë ajo duhet ta njoftojë rregullatorin. OST/OT duhet të japë arsye të detajuara për vonesën si dhe orarin e ri;
 - 7.3 OST/OT mund të aplikojë në çdo kohë te rregullatori për të zëvendësuar një projekt kapital në planin e aprovuar të investimit me ndonjë projekt tjetër kapital, në rastet kur mund të dëshmohet se projekti alternativ do të sjellë përfitime të njëjta apo më të mira për konsumatorët se projekti fillestar (duke marrë parasysh rezultatet e pritura dhe kostot). Nëse rregullatori e aprovon zëvendësimin, projekti alternativ do t'i shtohet bazës



së aseteve të rregulluara në shqyrtimin periodik të ardhshëm. Të hyrat e lejuara maksimale për periudhën e tanishme nuk do të përshtaten; dhe

- 7.4 Nëse OST/OT e zëvendëson një projekt kapital në planin e aprovuar të investimit me një projekt alternativ para se të marrë aprovimin e rregullatorit, rregullatori do ta marrë në konsideratë nëse do ta aprovojë ose jo zëvendësimin në shqyrtimin periodik pasues por nuk është i obliguar ta bëjë këtë.



SHTOJCA 3 MESATARJA E PONDERUAR E KOSTOS SË KAPITALIT

- 1 Mesatarja e ponderuar e kostos së kapitalit do të llogaritet mbi bazë paratimore sipas këtyre formulave:

$$WACC = (1 - g) * (rE) / (1 - t) + gi * (rD)$$

Ku janë:

WACC	Mesatarja e ponderuar e kostos së kapitalit ("is the Weighted Average Cost of Capital")
g	Gearing (norma borxh:borxh+ekuitet) ("gearing (debt:debt+equity ratio)")
rE	Kostoja reale e ekuitetit (shprehur si %) ("real cost of equity (expressed as a %)")
rD	Kostoja reale e borxhit (shprehur si %) ("real cost debt (expressed as a %)")
t	Norma e tatimit mbi korporatat në Kosovë ("Kosovo corporate income tax rate")

- 2 Gearing (g) do të jetë vlerë e propozuar nga OST/OT dhe e përcaktuar nga rregullatori në mes të 0 dhe 1 dhe përfaqëson pjesëmarrjen e borxhit në financimin e përgjithshëm. Vlera do të përcaktohet duke marrë parasysh në mënyrë të balancuar financimin aktual të OST/OT-së, financimin që pritet të jetë i arritshëm tani dhe në të ardhmen, duke e marrë parasysh përbërjen e financimeve të kompanive të ngjashme ndërkombëtare.
- 3 Kostoja e ekuitetit (rE) do të jetë vlerë e propozuar nga OST/OT dhe e përcaktuar nga rregullatori, si dhe e llogaritur duke përdorur modelin për vënien e çmimeve të asetëve kapitale (CAPM) me formulën në vijim:

$$rEi = rf + \beta i * ERPm$$

Ku janë:

rf	norma pa risk ("risk-free rate")
ERPm	premia për riskun në ekuitet që i aplikohet tërë tregut ("equity risk premium applicable to the market as a whole")
βi	kovarianca në mes të kthimeve të asetit të ekuitetit në fjalë dhe të asetëve të tërë tregut (beta e ekuitetit) ("covariance between the returns on the individual equity asset and those of the market as a whole (the equity beta)")

- 3.1 Norma pa risk (rf) paraqet koston e borxhit jokoncesionar shtetëror në Kosovë, në terma realë, që do të propozohet nga OST/OT dhe do të caktohet nga rregullatori, duke përdorur të dhëna nga kostoja e borxhit jokoncesionar shtetëror në Kosovë ose, në rast



të mungesës apo pamjaftueshmërisë së kësaj informate, koston e borxhit jokoncesionar shtetëror në shtete të cilat konsiderohen se kanë status të njëjtë kreditor me Kosovën.

- 3.2 Premia e riskut mbi ekuitetin (ERPm) do të propozohet nga OST/OT dhe do të përcaktohet nga rregullatori, duke përdorur të dhëna nga premia e riskut ndërkombëtar mbi ekuitetin.
 - 3.3 Beta (β) do të propozohet nga OST/OT dhe do të përcaktohet nga rregullatori, duke përdorur të dhëna mbi betat e aplikuara për kompani të krahasueshme ndërkombëtarisht.
- 4 Kostoja e borxhit (r_{Di}) do të jetë mesatarja e normave të interesit për kreditë ekzistuese afatgjata (që kalojnë 1 vit) për OST/OT, shprehur në terma realë dhe ponderuar sipas vlerës në euro të secilës kredi.
- 4.1 OST/OT është e obliguar të prokurojë huatë komerciale (jokoncesionare) përmes procedurave të konkurrencës ose të demonstrojë te rregullatori se norma e interesit për huatë e marra pa prokurim është e barabartë me, ose më e ulët se, normat e interesit në treg në kohën kur është nënshkruar marrëveshja.
 - 4.2 Kur rregullatori konsideron se norma e interesit për një hua të marrë pa prokurim konkurrues e tejkalon normën e interesit të tregut, atëherë ajo hua do të përjashtohet nga llogaritja e koston së borxhit.
 - 4.3 Kur rregullatori konsideron se ka numër të pamjaftueshëm të huave për të arritur në një vlerësim të koston së huamarrjes për OST/OT-në, rregullatori mund të përshtatë koston e borxhit të llogaritur si më lart. Kjo përshtatje do të bazohet në:
 - (i) Vlerësimin e normës së interesit në treg për huatë e bizneseve me madhësi, risk dhe status kreditor të ngjashëm me OST/OT-në.
 - (ii) Vlerësimin e normës së parashikuar të interesit për huatë potenciale koncesionare të OST/OT-së.
 - (iii) Vlerësimin e përbërjes së parashikuar të huave komerciale (jokoncesionare) dhe koncesionare në borxhin e OST/OT-së për periudhën e ardhshme rregullative.



SHTOJCA 4 SHËRBIMET E PËRJASHTUARA

- 1 OST/OT mund të aplikojë një ngarkesë për kryerjen e shërbimeve të përjashtuara, të cilat mund të jenë, por nuk kufizohen me, dispozitat në vijim:
 - 1.1 Kryerjen e punëve, kostoja e të cilave do të riimburohet nga një përdorues i sistemit apo ndonjë palë e tretë (duke përfshirë këtu çdo punë përforcuese) për qëllim të kyçjes së një përdoruesi në sistemin e transmisionit (por vetëm deri në atë masë ku shërbimi nuk është marrë parasysh në kuadër të ngarkesave të tjera të përshkruara në këtë rregull);
 - 1.2 Rivendosja e linjave elektrike apo centraleve elektrike (duke përfshirë këtu edhe punët e ndërlidhura me to) në pajtim me obligimet statutores të tjera nga ato që parashihen për OST/OT-në me Ligjin për Energjinë Elektrike, Ligjin për Energjinë apo Ligjin për Rregullatorin e Energjisë;
 - 1.3 Lëvizjen e linjave elektrike, stabilimenteve elektrike apo pajisjeve matëse që formojnë pjesë të sistemit të transmisionit për të akomoduar zgjatjen, ridizajnimin apo zhvillimin e vendit në të cilin ndodhet aseti në fjalë ose në të cilin aseti është i kyçur, kostoja e të cilit do të bartet nga një përdorues i sistemit apo nga pala që e kërkon zhvendosjen;
 - 1.4 Kryerjen e punëve të linjave elektrike apo stabilimenteve energjetike nëse kërkohet nga një përdorues i sistemit të transmisionit për të ofruar nivel më lartë sigurie sesa parashihet në paragrafin e 2-të të Nenit 11 të Licencës së OST-së (Standardet e Planifikimit dhe të Sigurisë së Sistemit të Transmisionit); dhe
 - 1.5 Kryerjen e shërbimeve matëse që nuk paguhet në kuadër të ngarkesave të tjera në lidhje me shërbimet e përjashtuara.
- 2 Ngarkesat për këto shërbime të përjashtuara duhet të caktohen në atë nivel që i lejojnë OST/OT-së të mbulojë:
 - 2.1 Kostot e arsyeshme që dalin nga kryerja e shërbimit; dhe
 - 2.2 Normën e arsyeshme të kthimit të kapitalit sipas shpenzimeve të bëra nga OST/OT gjatë periudhës para marrjes së pagesës nga personi për të cilën është duke u kryer shërbimi në fjalë.
- 3 Në rastet kur është e aplikueshme, këto ngarkesa duhet të përcaktohen në pajtim me metodologjinë e aprovuar të taksave për kyçje.
- 4 Në dhënien e ofertës ndaj personit që aplikon për kryerjen e shërbimit të përjashtuar, OST/OT duhet të ofrojë detaje për koston siç mund të kërkojë aplikuesi me qëllim që të përcaktohet nëse ngarkesa është e arsyeshme.
- 5 Oferta duhet t'i referohet rolit të rregullatorit siç është dhënë në Ligjin për Rregullatorin e Energjisë.



- 6 Pas përfundimit të çdo viti relevant, OST/OT do t'i ofrojë rregullatorit detaje të shërbimeve të ofruara si pjesë e biznesit të transmisionit, të cilat janë trajtuar si shërbime të përjashtuara nga OST/OT-ja gjatë vitit relevant si dhe të deklarojë të hyrat e pranuar nga këto shërbime.
- 7 Në rastet kur rregullatori mendon se, në bazë të parimeve të përcaktuara në paragrafet e mësipërme, ndonjë shërbim i trajtuar nga OST/OT si shërbim i përjashtuar nuk duhet të trajtohet si i tillë, rregullatori duhet të nxjerrë udhëzime në atë drejtim dhe shërbimi në fjalë nuk do të trajtohet më si shërbim i përjashtuar nga data e nxjerrjes së këtyre udhëzimeve apo nga ndonjë datë tjetër që mund të specifikohet në udhëzime.



SHTOJCA 5 PROCESI I SHQYRTIMIT PERIODIK

- 1 Me qëllim të ngritjes së transparencës, rregullatori do të publikojë në ueb-faqen zyrtare të gjitha dokumentet e dorëzuara, komentet dhe dokumentet e tjera relevante të pranuar nga OST/OT apo palët e tjera të interesit që kanë të bëjnë me shqyrtimin periodik dhe do t'i bëjë publike të gjitha informatat materiale që dorëzohen nga OST/OT, duke përjashtuar këtu informatat që rregullatori i konsideron komercialisht konfidenciale.
- 2 Rregullatori do të iniciojë shqyrtimin periodik jo më vonë se 120 ditë pune para fillimit të periudhës së ardhshme rregullative. Një orar tjetër do të vlejë gjatë periudhës kalimtare të dhënë në Shtojcën 10.
- 3 Orari për procesin e përgjithshëm të shqyrtimit do të dërgohet të OST/OT-ja gjatë inicimit të procesit të shqyrtimit.
- 4 Rregullatori do të iniciojë shqyrtimin periodik duke njoftuar OST/OT-në lidhur me:
 - 4.1 Vitet për të cilat kërkohen të dhënat për vitin aktual dhe parashikimet për të ardhmen;
 - 4.2 Formatin me anë të të cilit këto të dhëna do të dorëzohen;
 - 4.3 Orarin për dorëzimin e propozimit të OST/OT-së për të hyrat e lejuara maksimale për shqyrtimin e ardhshëm periodik.
- 5 Propozimi i OST/OT-së do të përmbajë informacionin e mëposhtëm dhe do të adresojë çështjet në vijim (pa kufizim):
 - 5.1 Të hyrat aktuale të rregulluara të mbledhura gjatë periudhës së tanishme rregullative (duke përdorur një vlerësim të arsyeshëm për muajt e mbetur kur është e nevojshme);
 - 5.2 Koston e realizuar për ofrimin e shërbimeve të sistemit të transmisionit gjatë periudhës së tanishme rregullative, në linjë me përkufizimin e koston që është përdorur për llogaritjen e të hyrave të lejuara maksimale;
 - 5.3 Raportin vjetor dhe pasqyrat financiare të audituara për çdo vit fiskal që ka përfunduar në periudhën e tanishme rregullative, kurdo që këto janë në dispozicion, në pajtim me kërkesat e raportimit të dhëna në licencat e OT-së dhe OST-së;
 - 5.4 Vlerën e realizuar të kërkesës maksimale të sistemit të transmisionit, njërive rregullative të bartura dhe numrin e konsumatorëve gjatë periudhës së tanishme rregullative;
 - 5.5 Vlerat e parashikuara të kërkesës maksimale të sistemit të transmisionit, njërive rregullative të bartura dhe numrin e konsumatorëve për periudhën e ardhshme rregullative;



- 5.6 Vlerën e realizuar të humbjeve në transmision gjatë periudhës së tanishme rregullative dhe parashikimin për humbjet në transmision për periudhën e ardhshme rregullative;
 - 5.7 Propozimin për mesataren e ponderuar të kostos së kapitalit që do të aplikohet në parashikimin e të hyrave të lejuara maksimale për periudhën e ardhshme rregullative;
 - 5.8 Vlerën e parashikuar të të hyrave të lejuara maksimale, duke raportuar ndaras secilin prej komponentëve të kostos së lejuar për periudhën e ardhshme rregullative;
 - 5.9 Çdo studim të OST/OT-së që mund të ketë ndonjë relevancë me çështjet e ngritura në propozimin e OST/OT-së; dhe
 - 5.10 Çdo material tjetër që rregullatori konsideron se duhet të përfshihet në propozimin e OST/OT-së në rastet kur rregullatori e ka njoftuar paraprakisht dhe me kohë të mjaftueshme OST/OT-në për afatin e dorëzimit të propozimit të OST/OT-së.
- 6 Gjatë përgatitjes së propozimit të saj, OST/OT do të aplikojë plotësisht metodologjinë e zbatuar në këtë rregull. OST do të deklarojë të gjitha vendet ku nuk është aplikuar kjo metodologji, arsyet për mosaplikimin e metodologjisë, arsyet që përkrahin qasjen alternative dhe vlerësimin e ndikimit të përdorimit të qasjes alternative.
 - 7 Ky propozim duhet të përdorë të dhënat më të vonshme në dispozicion për kostot e energjisë me shumicë të FPEE-së të cilat do të aplikohen për llogaritjen e humbjeve të lejuara.
 - 8 Pas marrjes së propozimit të OST/OT-së, rregullatori do të vlerësojë saktësinë, ndërlidhjen dhe arsyeshmërinë e saj duke aplikuar metodologjinë e kësaj rregulle, duke përfshirë këtu vlerësimin se a reflektojnë të hyrat e lejuara maksimale kostot e arsyeshme për ofrimin e Shërbimeve të sistemit të transmision dhe shërbimeve të operatorit të tregut.
 - 9 Rregullatori do të përgatisë një vlerësim të përkohshëm brenda një afati të arsyeshëm kohor (të përcaktuar në pikën 3 të kësaj shtojce), pas shqyrtimit të propozimeve të OST/OT-së dhe pas konsultimit me OST/OT-në. Vlerësimi i Përkohshëm do të paraqesë propozimet e rregullatorit për të hyrat e lejuara maksimale që do të mbulohen nga OST/OT gjatë periudhës rregullative si dhe arsyeshmërinë për këtë propozim. Rregullatori, në përgatitjen e vlerësimit të tij të përkohshëm, mund të ndryshojë, heqë ose zëvendësojë çfarëdo pjese të propozimit të OST/OT-së që e konsideron të përshtatshme, me kusht që ai t'i identifikojë këto ndryshime, heqje apo zëvendësime dhe të sigurojë justifikim për to.
 - 10 Pas përcaktimit të vlerësimit të përkohshëm, rregullatori do të njoftojë OST/OT-në dhe do të fillojë procesin e konsultimit publik për vlerësimin e tij të përkohshëm në pajtim me Ligjin për Rregullatorin e Energjisë.
 - 11 Pas përfundimit të konsultimit publik brenda një afati të arsyeshëm kohor (të përcaktuar në pikën 3 të kësaj Shtojce) para fillimit të periudhës së ardhshme rregullative, rregullatori do të marrë vendimin final për të hyrat e lejuara maksimale për periudhën e ardhshme rregullative. Vendimi i rregullatorit do të jetë në pajtueshmëri me këtë rregull. Orari alternativ do të aplikohet gjatë periudhës kalimtare të dhënë në Shtojcën 10.



- 12 Të hyrat e lejuara maksimale, siç jepen në vendimin final të rregullatorit, do të aplikohen nga data e fillimit të periudhës së ardhshme rregullative.
- 13 Në rast se ekzistojnë të dhëna më të reja lidhur me koston e aprovuar për kostot e lejuara të energjisë me shumicë të FPEE-së që përdoret për llogaritjen e nivelit të lejuar të humbjeve, të hyrat e lejuara maksimale do të përshtaten për të reflektuar këtë fakt para fillimit të periudhës së ardhshme rregullative.
- 14 OST/OT mund të apelojë apo kontestojë cilindo vendim të rregullatorit në pajtim me legjislacionin e aplikueshëm.



SHTOJCA 6 PROCESI I PËRSHTATJEVE TË RREGULLTA

- 1 OST/OT do të dorëzojë te rregullatori propozimin për të hyrat maksimale të lejuara për vitin e ardhshëm relevant së paku 50 ditë pune para fillimit të vitit të ardhshëm relevant. OST/OT, po ashtu, do të përfshijë në këtë propozim edhe dokumentet relevante dhe evidencën, përfshirë vlerat që kanë të bëjnë me komponentët e formulave të përshtatjeve të rregullta të dhëna në Shtojcën 1, si dhe çdo informatë tjetër të kërkuar nga rregullatori.
- 2 Rregullatori mund të kërkojë nga OST/OT që të japë sqarime shtesë për metodën e llogaritjes së propozimit për të hyrat e lejuara maksimale dhe, në këto raste, OST/OT do të ofrojë, brenda një periudhe të shpejtë kohore, të gjitha informatat dhe shpjegimet e kërkuara nga rregullatori.
- 3 Rregullatori do ta këshillojë OST/OT së paku 40 ditë pune para fillimit të vitit të ardhshëm relevant nëse e aprovon ose jo llogaritjen nga OST/OT të të hyrave maksimale të propozuara.
- 4 Nëse rregullatori e aprovon propozimin për të hyrat maksimale të lejuara, atëherë këto do të jenë të hyrat maksimale të lejuara për vitin e ardhshëm relevant.
- 5 Nëse rregullatori nuk e aprovon propozimin për të hyrat e lejuara maksimale, rregullatori do të japë arsyetim dhe evidencë për këtë, në pajtim me këtë rregull. Të hyrat maksimale të lejuara nuk do të ndryshojnë derisa rregullatori të aprovojë një propozim alternativ ose të ofrojë llogaritjen e tij të të hyrave të lejuara maksimale.
- 6 Çdo ndryshim në të hyra që mund të rezultojë nga llogaritja e gabuar e të hyrave të lejuara, raportimi i gabuar i të hyrave rregullative të realizuara apo apelimet lidhur me përshtatjen e rregullt, do të mbulohen në vitet relevante pasuese.
- 7 OST/OT do të llogarisë dhe do të publikojë rezultatet rreth ngarkesave TNUOS, ngarkesave të operatorit të sistemit dhe ngarkesave të operatorit të tregut së paku 30 ditë pune para fillimit të vitit të ardhshëm relevant.
- 8 OST/OT mund të apelojë apo kontestojë çdo vendim të rregullatorit në pajtim me legjislacionin e aplikueshëm.



SHTOJCA 7 PROCESI I SHQYRTIMIT TË JASHTËZAKONSHËM

- 1 Nëse ka ndodhur një ngjarje e jashtëzakonshme, OST/OT mund të kërkojë shqyrtim të jashtëzakonshëm.
- 2 Shqyrtimi i jashtëzakonshëm nuk mund të fillojë brenda gjashtë muajsh të shqyrtimit periodik apo para kompletimit të shqyrtimit të jashtëzakonshëm të mëhershëm.
- 3 Shqyrtimi i jashtëzakonshëm mund të ketë lidhje me më shumë se një ngjarje të jashtëzakonshme. Në këto raste kjo shtojcë adreson ndikimin e përbashkët financiar të këtyre ngjarjeve.
- 4 Brenda 20 ditëve të punës pas kërkesës së OST/OT për shqyrtim të jashtëzakonshëm, OST duhet të dorëzojë raportin për ndikimin financiar që do të përfshijë çështjet në vijim:
 - 4.1 Përshkrimin e ngjarjes së jashtëzakonshme që ka qenë shkak i kërkesës për shqyrtim të jashtëzakonshëm;
 - 4.2 Përmbledhjen e ndikimit të ngjarjes së jashtëzakonshme në biznesin e OST/OT-së;
 - 4.3 Vlerësimin e ndryshimit të kostove të OST/OT-së në çdo vit nga data e ngjarjes së jashtëzakonshme deri në fundin e periudhës rregullative;
 - 4.4 Vlerësimin për ndryshimin në të hyrat e parashikuara që rezultojnë nga ngjarja e jashtëzakonshme në çdo vit nga data e ngjarjes së jashtëzakonshme deri në përfundim të periudhës së tanishme rregullative;
 - 4.5 Llogaritjen për ndikimin financiar të ngjarjes së jashtëzakonshme në çdo vit, e llogaritur si shuma e ndryshimeve në koston dhe të hyrat e OST/OT-së. Të hyrat do të trajtohen si numër pozitiv dhe koston do të trajtohen si numra negativ; dhe
 - 4.6 Llogaritjen në lidhje me atë nëse ndikimi financiar pritet të jetë më i lartë se pragu i materialitetit, shumëzuar me të hyrat e OST/OT-së (në vitin para ngjarjes së jashtëzakonshme), shumëzuar me numrin e viteve në mes të datës së ngjarjes së jashtëzakonshme dhe fundit të periudhës rregullative.
- 5 Nëse OST/OT vlerëson se ndikimi financiar është më i lartë se pragu i materialitetit, OST duhet të përfshijë në raportin e ndikimit financiar propozimin për përshtatjen e jashtëzakonshme në të hyrat e lejuara maksimale. Propozimi për përshtatjen e jashtëzakonshme duhet t'u përmbahet kushteve në vijim:
 - 5.1 Përshtatja e jashtëzakonshme duhet të ndryshojë të hyrat maksimale të lejuara në atë mënyrë që vlera neto e tanishme e ndryshimeve të parashikuara të jetë e barabartë me vlerën neto të tanishme të ndikimit financiar të ngjarjes së jashtëzakonshme, duke përdorur mesataren e ponderuar të koston të kapitalit si normë të diskontimit; dhe



- 5.2 Koha dhe struktura e përshtatjes së jashtëzakonshme do të shmangë, kur është e mundur, rritjet e menjëhershme të tarifave për konsumatorët (për shembull duke zbutur ndikimin e përshtatjes së jashtëzakonshme përgjatë disa viteve).
- 6 Rregullatori mund të fillojë shqyrtim të jashtëzakonshëm pa kërkesën e OST/OT-së. Në këto raste, rregullatori do ta njoftojë OST/OT-në dhe do të përfshijë një përshkrim të ngjarjes së jashtëzakonshme si dhe një pëmbledhje të ndikimit të parashikuar. Pastaj, OST/OT do të përgatisë raportin për ndikimin financiar sipas procesit të përshkruar më lart.
- 7 Rregullatori mund të kërkojë sqarime shtesë nga OST/OT për mënyrën si i ka bërë llogaritjet në raportin për ndikimin financiar si dhe në përshtatjen e jashtëzakonshme dhe, në bazë të kësaj kërkesë, OST/OT do t'i dërgojë rregullatorit, brenda një afati sa më të shkurtër kohor, informatat apo shpjegimet e kërkuara.
- 8 Brenda 30 ditëve pas marrjes së raportit për ndikimin financiar, rregullatori do të njoftojë OST/OT-në nëse rregullatori e pranon apo jo propozimin e OST/OT-së për përshtatjen e jashtëzakonshme. Rregullatori do ta aprovojë propozimin nëse propozimi:
- 8.1 I plotëson kushtet e përshkruara më lart;
 - 8.2 Është llogaritur në mënyrë të saktë; dhe
 - 8.3 Merr parasysh të gjitha informatat materiale në dispozicion gjatë asaj kohe.
- 9 Nëse rregullatori e aprovon propozimin për përshtatjen e jashtëzakonshme, propozimi për të hyrat e lejuara maksimale do të hyjë në fuqi menjëherë.
- 10 Nëse rregullatori nuk e aprovon propozimin për përshtatjen e jashtëzakonshme, rregullatori duhet të ofrojë arsyetimin dhe evidencën për këtë, në pajtim me këtë rregull. Të hyrat e lejuara maksimale nuk do të përshtaten derisa rregullatori të aprovojë një propozim.
- 11 OST-ja mund të apelojë apo kontestojë çdo vendim të rregullatorit në pajtim me legjislacionin e aplikueshëm.



SHTOJCA 8 NGJARJET E JASHTËZAKONSHME

- 1 Ngjarja e jashtëzakonshme ndodh në rastet si më poshtë:
 - 1.1 Çdo ndryshim në shkallën tatimore, e aplikueshme për OST/OT-në e cila nuk mbulohet tërësisht përmes përshtatjeve të rregullta;
 - 1.2 Ngjarjet e forcës madhore siç përkufizohen në Shtojcën 9;
 - 1.3 Ngjarje tjetër që përmbush të gjitha kushtet në vijim:
 - (i) Nuk ka qenë nën kontrollin e OST/OT-së;
 - (ii) Nuk do të mbulohet në përshtatjet e rregullta; dhe
 - (iii) Ndryshon në masë të konsiderueshme të hyrat dhe/ose kostot e OST/OT përgjatë një periudhe 12 mujore, në atë mënyrë që mund të vlerësohet që mund të tejkalohet pragu i materialitetit (i sqaruar në Shtojcën 7)
- 2 Ndodhja e ngjarjes së jashtëzakonshme është e mjaftueshme për të shkaktuar shqyrtimin e jashtëzakonshëm por, siç është sqaruar në Shtojcën 7, ngjarja duhet të kalojë pragun e materialitetit në mënyrë që të përshtaten të hyrat e lejuara maksimale.



SHTOJCA 9 NGJARJA E FORCËS MADHORE

- 1 Ngjarje e forcës madhore është ngjarje apo rrethanë e jashtëzakonshme që i përfshin të gjitha këto në vijim:
 - 1.1 Është jashtë kontrollit të OST/OT;
 - 1.2 OST/OT nuk ka mundur të krijojë kushte për ta parandaluar atë;
 - 1.3 OST/OT nuk ka mundur ta shmangë apo ta tejkalojë; dhe
 - 1.4 Nuk i atribuohet substancialisht OST/OT-së.
- 2 Ngjarja e forcës madhore mund të përfshijë, por nuk kufizohet me ngjarjet apo rrethanat e veçanta të paraqitura më poshtë, për sa kohë që përmbushen kushtet e lartpërmendura:
 - 2.1 Luftë, gjendje lufte apo veprime ushtarake (pavarësisht se a është deklaruar luftë apo jo), pushtim, akt i armiqve të jashtëm;
 - 2.2 Rebelim, terrorizëm, sabotim nga persona që nuk janë punonjës të OST/OT-së, kontraktorë apo nënkontraktorë, revolucion, kryengritje, pushtet ushtarak apo i uzurpuar apo luftë civile;
 - 2.3 Protestë, trazirë, rrëmujë, grevë apo bllokim pune (lokaut) nga persona që nuk janë punonjës, kontraktorë apo nënkontraktorë të palës;
 - 2.4 Municione të luftës, materiale eksplozive, rrezatim jonizues apo kontaminim me radioaktivitet, përveç kur këto mund t'i atribuohen përdorimit të palës; dhe
 - 2.5 Katastrofat natyrore si tërmeti apo vërshimet.



SHTOJCA 10 DISPOZITAT KALIMTARE

1. Periudha kalimtare do të jetë prej 1 prill 2012 deri më 31 mars 2013.
2. Periudha e parë rregullative do të jetë 1 vjeçare.
3. Gjatë shqyrtimit të parë periodik do të vlejë orari në vijim:
 - 1.1 Rregullatori do ta iniciojë shqyrtimin periodik jo më vonë se 60 ditë para fillimit të shqyrtimit të parë periodik.
 - 1.2 Rregullatori do ta përgatisë vlerësimin e përkohshëm jo më vonë se 45 ditë para fillimit të shqyrtimit të parë periodik.
 - 1.3 Rregullatori do ta marrë vendimin final jo më vonë se 30 ditë para fillimit të periudhës së parë rregullative.